



Senin, 01 Juli 2024

Ogen: Lukas 12:13-15



"Jaga dengen Metengetlah"



Piga-piga waktu si lewat, lit sekalak perpulungen reh lako ercacak-cakap. Ope denga kami jumpa, ngerana ia arah telepon; nina : pdt, latih kel kuakap rukur, turun berat badanku erkiteken la aku pet man, pertunduhku pe kurang seh maka turah pinakit bas aku. "Mulai katawari kam bage? seh maka turun berat badanndu, la banci tunduh, seh maka kam sakit" ningku ngaloi rananna. Lewat sada bulan, kenca lanai lit nande kami. I bas percakapen kenca kami jumpa i ruang konseling, kepeken kenca idilo Dibata nandena, rubat ia erturang-ersenina perkara erta-erta si itadingken orangtuana. Lanai ia siperiahen, erkiteken pembagin bagi kurang adil. Kejadin enda megati reh ku bas geluhta, entah kita pe pernah ngenanami si bage rupana. Pengelako erta lanai siangkan erturang-ersenina, pengelako erta sirang erkeluarga ras erkade-kade.

I bas ayat 15 paksa tenengta, nina Jesus man kalak si mindo gelah irunggui Jesus kerna perkara : "*Jaga dengen metengetlah maka ola kam merangap nandangi kai pe; sabab kegeluhen manusia si tuhu-tuhu labo erpalasken erta-erta si lit i bas ia, amin uga gia ia bayakna.*" Perkatan Jesus enda mpersingeti kita gelah njaga pusuh rikut perukuren gelah ula jadi kalak merangap. Jenari metenget sabap erta e banci mabai kita jadi kalak si egois dengen ngukuri diri jine. Jesus mpersingeti bage pe ngataken man kalak si ersinana e, maka erta entah pe kinibayaken labo si penting i bas kegeluhen sabap erta entah kinibayaken banci nirangken kita ras keluarga bage pe kuh sangkepta.

Jaga dengen metengetlah, sada kalimat perintah si arus si dalanken i bas kerina situasi kegeluhen. Jaga pusuh dengen jaga perukuren, gelah arah kengasupennta lako njaga pusuh, geluhta jadi teneng, dame bage pe malem ateta. Metengetlah nandangi situasi rikut pe ras tawaren doni enda, ula sempat tergoda jadi kalak si terjeng ngukurken kepentingenna saja, gelah arah kinitengetenta malem ateta dengen erturang-ersenina pe reh sikapna.

"Erta kinibayaken maba kejuah-juahen"